

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 45. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 29. sjednici, održanoj dana 14.11.2019. godine, d o n o s i

## ZAKLJUČAK

### o usvajanju Izmjena Programa utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti – za zdravstvo“

#### I.

U Programu utroška sredstava planiranih u Budžetu Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), na poziciji „Kapitalni transferi drugim nivoima vlasti- za zdravstvo“, broj: 02-14-7749/19 od 07.05.2019. godine (u daljem tekstu: Program), u dijelu II PROGRAMI, tačka 1. Programa koja glasi „Kapitalni transferi za JU Kantonalna bolnica Zenica-planirani iznos 1.100.000,00 KM“, mijenja se i glasi:

„1. Kapitalni transferi za JU Kantonalna bolnica Zenica - planirani iznos 1.200.000,00 KM

Prioritet Vlade Zeničko-dobojskog kantona, kao i u prethodnim godinama, je izdvajanje sredstava iz Budžeta Zeničko-dobojskog kantona za ulaganja u JU Kantonalna bolnica Zenica za nabavku opreme i druga ulaganja koja imaju karakter stalne imovine.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i radnika prilikom izvođenja određenih zahvata, povećanju broja usluga koje se pružaju pacijentima. Izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 1.200.000,00 KM ili 85,7 % ukupno planiranih sredstava za kapitalne transfere.

U strukturi planiranih ulaganja iznos od 951.636,00 KM odnosi se na nabavku medicinske i nemedicinske opreme, na građevinsko-zanatske radove odnosi se iznos od 135.697,00 KM i nabavku rezervnih dijelova u slučaju kvarova iznos od 86.225,00 KM.

U sljedećem tabelarnom pregledu data je struktura kapitalnih transfera za JU Kantonalna bolnica Zenica, sa uporednim pregledom ulaganja usvojenih Zaključkom Vlade Zeničko-dobojskog kantona, broj: 02-14-7749/19 od 07.05.2019. godine:

Redni broj	Vsta ulaganja	Planirana sredstva po Programu utroška	Planirana sredstva po izmjenjenom Programu utroška
1.	Realizacija Odluke o odobravanju sredstava za nabavku opreme za potrebe Odjela za mikrobiologiju (za zamrzivače do -80°), broj:02-14-17671/18 od 30.11.2018. godine	17.199,00 KM	17.199,00 KM
2.	Realizacija Odluke o odobravanju sredstava za nabavku opreme za potrebe Odjela za mikrobiologiju (za zamrzivače do -30°), broj:02-14-17671/18 od 30.11.2018. godine	9.243,00 KM	9.243,00 KM
3.	Nabavka medicinske opreme	957.000,00 KM	918.760,00 KM
4.	Nabavka nemedicinske opreme	-	32.876,00 KM
5.	Nabavka rezervnih dijelova	59.807,00 KM	86.225,00 KM
6.	Građevinsko-zanatski radovi	56.751,00 KM	135.697,00 KM

UKUPNO	1.100.000,00 KM	1.200.000,00 KM
--------	-----------------	-----------------

U Program utroška sredstava za 2019. godinu uvrštene su dvije odluke Vlade Kantona koje su donesene u 2018. godini, ali su zbog dužine trajanja postupaka javnih nabavki realizovane u 2019. godini (u tabelarnom pregledu navedene su pod rednim brojem 1. i 2.).

### **Kriterij za dodjelu sredstava**

Na prijedlog Ministarstva zdravstva, a na osnovu zahtjeva JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

JU Kantonalna bolnica Zenica provodi postupak nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14).

Sredstva odobrena posebnom odlukom Vlade Zeničko-dobojskog kantona transferisat će se na račun JU Kantonalna bolnica Zenica broj:134-010-00000138-94 otvoren kod ASA banke, na osnovu odluke i zaključenog ugovora o nabavci.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenog ugovora o nabavci“.

### **II.**

U Programu utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti-za zdravstvo“, u dijelu II PROGRAMI, tačka 2. Programa koja glasi „Kapitalni transfer za rješavanje problema zagrijavanja objekta Zavoda za medicinu rada i sportsku medicinu Zeničko-dobojskog kantona i Aneksa A i B koji koristi JU Kantonalna bolnica Zenica - planirani iznos 100.000,00 KM“ se briše.

### **III.**

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

### **IV.**

Zaključak stupa na snagu danom donošenja.

Broj: 02-\_\_\_\_\_ /19  
Datum, 14.11.2019. godine  
Z e n i c a

**PREMIJER**

*Mirza Ganić*

DOSTAVLJENO:

1x Ministarstvo zdravstva,

1x Ministarstvo finansija,

1x a/a.